

## Universitätsbibliothek Paderborn

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

Quòd Athanasius cum Alexandriam per Hierosolymam proficiseretur, à  
Maximo in communionem receptus, episcoporum Synodus coegit, quae,  
ea quae Nicaeae decreta erant, confirmauit. Cap. XIX.

**urn:nbn:de:hbz:466:1-12704**

, tatem obtineant, quam prius habuerunt: istudq; mandatum  
, nostrum obseruari volumus: Ut Athanasio episcopo eccl<sup>e</sup>  
, siæ suæ restituto, omnes clerici qui cum illo communicant,  
, eandem, quam cæteri clerici, habeant immunitatem: eaque  
, perfruentes, Vitam læti transfigant.

*Quod Athanasius cum Alexandriam per Hiero-  
lymam proficeretur, à Maximo in communio-  
nem receptus, episcoporum Synodus coegit, quæ  
ea quæ Nicææ decreta erant, confirmauit.*

C A P. XIX.

**H**isce epistolis confisus episcopus Athanasius, per Syriā iter faciens, in Palæstinam proficiscitur. Ac Hierosolymam aduentans, ubi Episcopo Maximo cum ea, quæ in concilio Sardicensi decreta erant, tum quo modo Imperator Constantius illorum episcoporum decisioni cōfessisset, perspicuè significauerat, efficit, ut concilium episcoporum ibi etiam conuocaretur. Nam Maximus, abiecta omni cunctatione, quosdam episcopos è Syria & Palæstina accersit. Conuentu autem coacto, Athanasio & communio nem desert, & dignitatem tribuit. Illud etiam concilium Alexadrinis, & omnibus Aegypti & Lybiæ episcopis, ea, quæ erant de Athanasio decisa statutaq; prescribit. Quæ de causa omnes, qui in Athanasium odium conceperant, vehementer contra Maximum vociferabantur, quod antea Athanasium suo suffragio abdicauerat, denuo autem pœnitentia adductus, quasi non recte fecisset, illi iam erat suffragatus, & communionem dignitatemq; simul detulerat. Quæ cū Ursacius & Valens, qui antea permagno desiderio erga Arij dogma exarscrat, intellexissent, priore suo studio ab se ipsis condemnato, Romam veniunt: pœnitentiæ libello episcopo Iulio tradito, consubstantiali assentiuntur: ac literis ad Athanasium missis, de cætero cū illo se cōmunicaturos fatentur. Ad hunc modū igitur Ursacius & Valens rebus Athanasii tā prosperè cadentibus deuicti, Cōsubstantiali, vti dixi, assensi sunt. Athanasius autem per Pelusium recta Alexandriā iter capit: & in singulis ciuitatibus, ad quas aduertebat, docuit: hortatusq; est, vt Arianos deuitarent, eosq; amplexarentur,

## SOCRATIS HISTORIAE

qui fidem confiteretur Consubstantialis. In quibusdam ecclesis ministros etiam creat. Atque ista origo erat alterius illi obiectæ criminacionis, quod in alienis ecclesiis ministros ordinauerat. Verum de iis, quæ id temporis Athanasio acciderant, ista haec tenus.

*De Magnentio & Betranione tyrannis, & cede  
Constantis.* C A P. X X.

**I**n terea Reip. statum non leuis exiguusve tumultus occupauit: de quo, quæ summatim percurrenda duximus, complectar breui. Constantino, qui Constantinopolim considerat, morte extincto, tres eius filii (sicut in primo libro commemoratum est) in imperium succedunt. Ex quorum numero Constantimum, qui à patre nomen accepit, unum fuisse, vnaque regnasse intelligendum est. Quem, ubi ad exiguum tempus regnauerat, milites interfecerunt. Atque ut Constantius eum trucidare non iusslerat, sic cædem certè nō vetuit. Quod autem ille Constantinus iunior, dum in fines Imperii fratri sui irruptionem faceret, dumq; ipse cum militibus manum configeret, interemptus sit, sæpius iam ante dictum est. Post cuius interitum, bellum à Persis contra Romanos est excitatum: in quo Constantius nihil fœliciter prosperé gescit. Nam noctu prelio circiter terminos inter Romanorum & Persarum imperium interieccos, commisso, Persarum copiæ tum videbantur ad tempus superiores fuisse. Eodem tempore res Christianorum neutiquam erant pacatae & tranquillæ, sed propter Athanasium, & verbum Consubstantiale, acris fuit in ecclesiis dimicatio. Quibus ad hunc modum constitutis, Magnentius in partibus versus occidentem tyrannus exoritur: hic Constantem partium ad occidentem spectantium imperatorem, iam tum in Gallia commorantem, per insidias è medio sustulit. Qua regesta, Bellum intestinum grauissimum concitatur. Magnentius tyrannus tota Italia potitur: Africam & Lybiā suo imperio subiicit: ipsam Galliam occupat. Porro autem Sirmij vrbis Illyrii alter tyrannus à militibus excitatur, cui nō men erat Britannio. Quinetiam Romæ similiter tumultus cietur. Nam Nepotianus, sororis Constantij filius gladiatorum manu stipatus imperium affectat. Hunc Magnentij duces